



**Direktoratet for mineralforvaltning**  
med Bergmeisteren for Svalbard

Adresseinformasjon fylles inn ved ekspedering.  
Se mottakerliste nedenfor.

Dato: 13.03.2018  
Vår ref: 14/01367-12  
Deres ref:

## **Tildeling av driftskonsesjon etter minerallova for Flatneset steinbrot i Ørsta kommune. Tiltakshavar: Flatnes Maskin AS**

Leiv Erikssons vei 39  
Postboks 3021 Lade  
N-7441 Trondheim

**TELEFON** + 47 73 90 46 00

**E-POST** mail@dirmin.no

**WEB** www.dirmin.no

**GIRO** 7694.05.05883

**SWIFT** DNBANOKK

**IBAN** NO5376940505883

**ORG.NR.** NO 974 760 282

**SVALBARDKONTOR**

**TELEFON** +47 79 02 12 92

### **1. Konsesjonen**

Direktoratet for mineralforvaltning med Bergmeisteren for Svalbard (DMF) viser til søknaden om driftskonsesjon datert 11.07.2014 fra Flatnes Maskin AS med org. nr. 933 663 280. Flatnes Maskin AS med org. nr. 933 663 280, heretter kalla «Tiltakshavar» eller «Tiltakshavaren», får med dette driftskonsesjon etter minerallova § 43.

Tiltakshavaren får driftskonsesjon for uttak av mineralske ressursar i Flatneset steinbrot på del av eigedomen gnr./bnr. 169/6 i Ørsta kommune. Mineralførekomsten hører til kategorien mineral som grunneigaren eig.

Konsesjonsområdet har eit areal på kring 36 daa og går fram av kart i vedlegg 1.

Etter reguleringsplan datert 31.10.2006 med plan-ID RTK-0606-A og namn «Flatneset steinbrot Sæbø» er området regulert til «Steinbrot/Jord- og skogbruk», «Steinbrot/Industri, lager» og «Steinbrot/Fritidsbustader».

DMF gjør merksam på at ein driftskonsesjon gjeve i medhald av minerallova ikkje erstattar krav om løyve, godkjenning, arealplan eller konsesjon etter anna lov gjenving. Tiltakshavar er ansvarleg for å innhente andre nødvendige løyve.

### **2. Vilkår for driftskonsesjonen**

Konsesjonen blir gjeven på desse vilkåra:

#### **2.1. Driftsplan**

Drifta skal til ei kvar tid gå føre seg i samsvar med ein driftsplan godkjend av DMF.

Dersom Tiltakshavaren ønskjer å gjøre vesentlege avvik frå driftsplanen, skal DMF godkjenne dette på førehånd.

DMF kan krevje ny oppmåling og at ajourførte kart og profilar skal sendast inn når DMF finn det nødvendig.



Merknad til driftsplanen som ligg ved skal rettast seinast innan ein månad etter dette konsesjonsvedtaket. Sjå vedtaket sitt punkt 5.4 for vår vurdering og merknad.

## **2.2. Økonomisk sikkerheit**

Tiltakshavaren blir pålagd å stille økonomisk sikkerheit med NOK 900 000, som skildra i punkt 5.11 av vedtaket, for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51.

Den økonomiske sikkerheita skal stillast i form av ein bankgaranti for eit grunnbeløp på NOK 300 000, og deretter årlege avsetjingar til ein bankkonto som det skal etablerast pant i til fordel for DMF slik at Tiltakshavaren ikkje kan ráde over kontoen på noko vis, begge deler som skildra i punkt 5.11.

Innan 2 månader etter datoén på dette konsesjonsvedtaket skal Tiltakshavaren ha:

- (i) inngått ein avtale om finansiell sikkerheit med DMF, sjå vedlegg 2.
- (ii) lagt fram påkravsgaranti frå bank som DMF vurderer som tilfredsstillande, sjå vedlegg 3.
- (iii) etablert pantet til fordel for DMF, jf. pantelova §§ 4-4 til 4-6, sjå vedlegg 4.

## **2.3. Bergteknisk ansvarleg**

DMF har registrert Johnny Flatnes som bergteknisk ansvarlig for Flatneset steinbrot. Det skal utan grunnlaust opphald sendast skriftleg melding til DMF om alle skifte av bergteknisk ansvarleg for eit uttak.

## **2.4. Andre vilkår**

Konsesjonsgrensa for massetaket skal setjast ut eller markerast i terrenget på ein slik måte at den er lett synleg gjennom heile driftsperioden.

## **3. Godkjenning av driftsplan**

DMF godkjenner driftsplanen for Flatneset steinbrot med ein mindre merknad. Sjå DMF si vurdering og merknad i vedtaket sitt punkt 5.4. Den godkjende versjonen av driftsplanen ligg ved dette konsesjonsvedtaket, sjå vedlegg 5.

## **4. Høyring**

Søknaden om driftskonsesjon har vore på høyring, jf. forvaltningslova § 17, hos desse høyringsinstansane: Ørsta kommune, Møre og Romsdal fylkeskommune, Fylkesmannen i Møre og Romsdal, Statens vegvesen, Norges vassdrags- og energidirektorat (NVE) og andre rørte partar.

Høyringsperioden var frå 09.01.2018 til 06.02.2018.

DMF har motteke høyringsfråsegn frå Statens vegvesen, Møre og Romsdal fylkeskommune, Norges vassdrags- og energidirektorat (NVE), Ørsta kommune og Fylkesmannen i Møre og Romsdal.



Frå høyringsfråsegnene har DMF særleg merkt seg dette:

Statens vegvesen

Ein attgjeving av vesentlege delar av Statens vegvesen sitt høyringsfråsegn:

«Statens vegvesen har følgjande merknad til søknaden:

Før transportkøyretøya kjem inn på offentleg veg må hjula vere reingjorte for skit. Dette forholdet må takast inn som krav i konsesjonen, og det må kunne visast til ei tilfredsstillande ordning.»

DMF sin kommentar

*DMF gjer Tiltakshavar merksam på Statens vegvesen sitt høyringsfråsegn knyta til reingjøring av hjul på transportkøyretøya som skal nyttast for transport på offentleg veg. DMF føresetjar at Tiltakshavar følgjar opp Statens vegvesens in oppmoding, og at Tiltakshavar opptrer omsynsfullt for å unngå skade på offentleg veg. Vi viser vidare til vegtrafikklova § 13, kor det stillast krav til køyretøy for å unngå å volde unødig fare, ulempe eller skade på veg. DMF oppfordrar vidare til tett og konstruktiv dialog mellom Tiltakshavar og Statens vegvesen for å ta vare på offentleg veg i området. Ut over dette tek DMF Statens vegvesens høyringsfråsegn til etterretning.*

Møre og Romsdal fylkeskommune

Møre og Romsdal fylkeskommune uttalar i sitt høyringsfråsegn at dei har ingen særskilte merknadar til driftskonsesjon i samsvar med gjeldande reguleringsplan.

DMF sin kommentar

*DMF tek Møre og Romsdal fylkeskommune sitt høyringsfråsegn til etterretning, og føresetjar at Tiltakshavar driv i samsvar med gjeldande reguleringsplan for området.*

Norges vassdrags- og energidirektorat (NVE)

Ein attgjeving av vesentlege delar av NVE sitt høyringsfråsegn:

«NVE har ikkje merknader til driftsplanen, men gjer merksam på at delar av området ligg innanfor faresonekart i bratt terreng. Tiltakshavar og kommunen må ha ei bevisst haldning til plassering av tiltak i uttaksområdet i høve til dei ulike faresonene og tryggleiksklassane i Byggteknisk forskrift (TEK17) § 7-3.»

DMF sin kommentar

*DMF gjer Tiltakshavar merksam på NVE sitt høyringsfråsegn, og føresetjar at Tiltakshavar etterlev forskrift om tekniske krav til byggverk (TEK17), her under forskriften si § 7-3 om sikkerheit mot skred. Vi oppfordrar vidare Tiltakshavar til tett og konstruktiv dialog med kommunen og NVE for å ta vare på omsynet til skred i området. Ut over dette tek DMF NVE sitt høyringsfråsegn til etterretning.*

Ørsta kommune

Ein attgjeving av vesentlege delar av Ørsta kommune sitt høyringsfråsegn:

«Så langt vi kan sjå inneheld søknaden om driftskonsesjon dei same profilane for uttak og avslutning som låg til grunn for reguleringsplanen. Ved handsaming av reguleringsplanen uttalte Bergvesenet at pallhøgda i steinbrot ikkje burde være høgare enn 10-12 meter, men at dette var noko ein burde



avklare nærmere i samband med driftskonsesjon og ikkje i reguleringsplanen. Vi kan ikkje sjå at søknaden inneheld nye vurderingar eller nærmere detaljar på dette området som føresett.

Det er også omtala at det har vorte teke ut meir masse oppover enn det som avslutningsplanen frå 2006 la opp til for å sikre seg mot ras frå laus stein, noko som har gitt ytterlegare pallhøgde. Det vert her synt til teikning 863-010 der det er innteikna «eks kant steinbrot». Om uttaket går utover gjeldande reguleringsplan lyt dette sokast og avklarast særskilt.

Vi er ikkje kjende med andre miljøkonsekvensar utover dei som låg til grunn og var vurderte i samband med reguleringsplanen. Steinbrotet er svært synleg frå Hjørundfjorden og det er såleis avgjerande at planen fortilstelling og avslutning vert følgt. Det er innteikna opne grøfter og kummer, men vi saknar ein plan for handtering av overflatevatn som skal hindre avrenning og utvasking av finstoff frå opne areal og masse som er lagra i massetaket.»

#### DMF sin kommentar

*DMF gjer Tiltakshavar merksam på høyringsfråsegn frå Ørsta kommune. Når det gjelder kommunen sitt fråsegn knyta til pallhøgde, vurderer DMF at driftsplanen for Flatneset steinbrot legger opp til forsvarleg drift, her under forsvarleg pallhøgde. DMF føresetjar at Tiltakshavar driv i samsvar med gjeldande reguleringsplan for området og godkjend driftsplan, her under planlagt pallhøgde og avslutningsplan. Vi merkar vidare at Tiltakshavar er ansvarleg for at drifta ved Flatneset til ein kvartid er i samsvar med plan- og bygningslova.*

*DMF tar vidare vare på kommunen sitt innspel knyta til plan for handtering av overflatevatn. Vi visert til vedtaket sitt punkt 5.4, kor DMF har stilt som merknad til driftsplanen at det skal implementera ein plan for handtering av overflatevatn for å hindre avrenning til sjø og utvasking av finstoff frå opne areal og masse som er lagra i massetaket. Ut over dette tek DMF Ørsta kommune sitt høyringsfråsegnt til etterretning.*

#### Fylkesmannen i Møre og Romsdal

Ein attgjeving av vesentlege delar av Fylkesmannen i Møre og Romsdal sitt høyringsfråsegn:

#### **«Natur- og miljøverninteresser**

Arealbruken er i samsvar med overordna plan.

Vi legg til grunn at verksemda blir driven i samsvar med reguleringsføresegnene i gjeldande reguleringsplan. Vi viser også til forureiningsforskrifta kap. 30 som regulerer drift av pukkverk, og legg til grunn at verksemda har ei drift i samsvar med dette regelverket.»

#### DMF sin kommentar

*DMF gjer Tiltakshavar merksam på Fylkesmannen sitt høyringsfråsegn, og føresetjar at Tiltakshavar driv i samsvar med gjeldande reguleringsplan for området og forureiningsforskrifta kapittel 30. Kommunen er planmyndigkeit og Fylkesmannen er forureiningsmyndigkeit. Ut over dette tek DMF Fylkesmannen sitt høyringsfråsegn til etterretning.*



## 5. Korleis DMF vurderer søknaden om driftskonsesjon

Føremålet til minerallova er å fremje og sikre samfunnsmessig forsvarleg forvaltning og bruk av mineralressursane i samsvar med prinsippet om ei berekraftig utvikling.

Etter minerallova § 43 er det krav om driftskonsesjon frå DMF for samla uttak av mineralførekomstar på meir enn 10 000 m<sup>3</sup> masse og for alt uttak av naturstein. Berre den som har utvinningsrett kan få driftskonsesjon.

Konsesjonssøknader går gjennom ei skjønnsmessig prøving før det blir avgjort om det skal gjevast driftskonsesjon. I vurderinga av om det skal gjevast driftskonsesjon skal det leggjast vekt på om søkeren er "skikka" til å utvinne førekomensten. Dette inneber at ein skal leggje vekt på om prosjektet ser ut til å vere økonomisk gjennomførbart, om det blir lagt opp til bergfagleg forsvarleg drift, og om søkeren har tilstrekkeleg kompetanse til å drive førekomensten. I vurderinga av om det skal gjevast driftskonsesjon skal det også leggjast vekt på omsyna som er nemnde i minerallova § 2.

DMF kan fastsette vilkår for ein driftskonsesjon. Når DMF avgjer kva vilkår som skal stillast, vurderer direktoratet mange av dei same omsyna som er relevante for vurderinga av om det skal gjevast konsesjon.

DMF har vurdert konsesjonssøknaden slik:

### 5.1 Utvinningsrett

Mineralførekomsten som skal utvinnast tilhørar kategorien mineral som grunneigar eig. Tiltakshavaren er ikkje grunneigar for konsesjonsområdet, og det blir difor kravd avtale med grunneigaren om utvinningsretten til førekomensten. Tiltakshavaren har i søknadsprosessen lagt fram ein avtale med grunneigaren for gnr./bnr. 169/6 i Ørsta kommune som dokumentasjon for utvinningsrett.

DMF vurderer at avtalen gjev Tiltakshavaren utvinningsrett til førekomensten på det området det er søkt om konsesjon for i avtaleperioden.

### 5.2 Arealstatus for tiltaket

Konsesjonsområdet har eit areal på kring 36 daa og går fram av kart i vedlegg 1.

Etter reguleringsplan datert 31.10.2006 med plan-ID RTK-0606-A og namn «Flatneset steinbrot Sæbø» er området regulert til «Steinbrot/Jord- og skogbruk», «Steinbrot/Industri, lager» og «Steinbrot/Fritidsbustader».

### 5.3 Økonomien i prosjektet

DMF har vurdert årsrekneskapen med styret si årsmelding og notar for dei siste 2 åra før søknadstidspunktet. DMF har vidare gjort ei vurdering av verksemda si noverande økonomiske situasjon. På grunnlag av opplysningane som er gjevne vurderer DMF bedifta som økonomisk skikka.

### 5.4 Driftsplan

For å sikre at kravet om bergfagleg forsvarleg drift blir oppfylt, finn DMF grunn til å ta inn i konsesjonen eit vilkår om at drifta til ei kvar tid skal gå føre seg i samsvar med ein driftsplan godkjend av DMF.



Driftsplanen skal vere eit styringsverktøy for Tiltakshavaren i gjennomføringa av uttaket, og eit referansedokument i samband med DMF sine tilsyn.

I samband med søknaden har Tiltakshavaren lagt fram eit framlegg til driftsplan for uttaket.

Framlegget til driftsplan omfattar heile driftsperioden og avsluttinga av steinbrotet. Skildringa og kart- og snitteikningar presenterer den planlagde brytinga av førekomsten innanfor arealet på 36 dekar som søknaden gjeld. Det totale volumet fast fjell som skal takast ut er estimert til 280 000 m<sup>3</sup>. Det årlege uttaket vil variere med marknaden, men det planlagde uttaket per år er 10 000 faste m<sup>3</sup>. Det er planlagt drift i 13 etappar. Utdrivne område som ikkje trengst i den vidare drifta, skal setjast i stand fortløpende. Det blir òg presentert ein plan for sikring og avslutting. Planen er å føre brotområdet tilbake til jord- og skogbruksområde (Sp1/J), industri-/lagerområde (Sp2/I) og fritidsbustader (Sp3/H).

Med einskilde merknad tilfredsstiller framlegget til driftsplan dei krava som DMF stiller. DMF sin merknad gjeld:

- Det skal implementerast ein plan for handtering av overflatevatn som skal hindre avrenning til sjø og utvasking av finstoff frå opne areal og masse som er lagra i massetaket.

Etter DMF si vurdering kan den vedlagde versjonen av driftsplan for Flatneset steinbrot godkjennast på det vilkåret at merknaden blir retta innan to månader etter dette konsesjonsvedtak.

Dersom det under drifta oppstår nye situasjonar eller andre endringar i føresetnadene for drifta, til dømes geologiske og kvalitetsmessige variasjonar, bør det likevel på visse vilkår kunne opnast for å gjere endringar og tilpassingar i planen. Dersom Tiltakshavaren ønskjer å gjere vesentlege avvik frå driftsplanen, skal DMF godkjenne dette på førehand.

Undervegs i drifta kan DMF få bruk for oppdaterte kart og snitt som dokumenterer den noverande situasjonen i uttaksområdet og status i høve til den godkjende driftsplanen. Det blir difor teke inn som eit vilkårt i konsesjonen at DMF kan krevje at Tiltakshavaren gjør ny oppmåling og at ajourførte kart og profilar skal sendast inn når DMF finn det nødvendig.

### **5.5 Bergfagleg forsvarleg drift**

Kravet om at drifta til ei kvar tid skal gå føre seg på ein bergfagleg forsvarleg måte inneber at aktiviteten må vere i samsvar med tilfredsstillande faglege standardar for denne typen verksemد.

Etter DMF si vurdering er den føreslegne driftsplanen for uttaket bergfagleg forsvarleg. Ved vurderinga har DMF lagt vekt på driftsplanen for uttaket.

### **5.6 Kva kompetanse søkeren har til å drive førekomsten**



I vurderinga av om søkeren har tilstrekkeleg kompetanse er det den totale kompetansen som søkeren har tilgang til som skal vurderast opp mot kravet om å vere skikka.

Etter forskrift til minerallova § 3-1 skal alle uttak av mineralske ressursar ha ein bergteknisk ansvarleg.

Tiltakshavaren har i søknaden gjeve opp Jonny Flatnes som bergteknisk ansvarleg for uttaket. Personen er registrert hos DMF som bergteknisk ansvarleg for uttaket og oppfyller kvalifikasjonskrava i forskrifta.

Etter DMF si vurdering har Tiltakshavaren tilstrekkeleg kompetanse til å drive førekomsten.

### **5.7 Miljøkonsekvensar av utvinninga**

I vurderinga av om det skal gjevast driftskonsesjon skal det leggjast vekt på omsynet til miljøet og kulturminne.

Det finst ein godkjend reguleringsplan for uttaket, datert 31.10.2006.

#### *Biologisk mangfald – vurdering etter naturmangfaldlova*

Naturmangfaldlova § 7 pålegg alle offentlege instansar som tek avgjerder som påverkar naturen å vurdere planlagde tiltak opp mot prinsippa i naturmangfaldlova §§ 8–12. Reguleringsplanen, høyningsfråseigner og eigne søk i naturbase og artskart (gjennomførte den 13.07.2017) erlagde til grunn for vurderingane etter naturmangfaldlova i DMF si handsaming av søknaden. DMF reknar kunnskapsgrunnlaget etter naturmangfaldlova § 8 for å vere tilstrekkeleg til at det kan fattast vedtak i saka. Føre-var-prinsippet i naturmangfaldlova § 9 gjeld såleis ikkje.

#### *Oppsummering av kunnskapsgrunnlaget:*

DMF har ved søk i naturbase og artskart ikkje gjort funn av verken prioriterte eller trua artar eller utvalde eller trua naturtypar i konsesjonsområdet.

Etter DMF si vurdering vil slikt uttak av massar som det er søkt om ikkje vere i konflikt med forvaltningsmålet for naturtypar og økosystem som er fastsett i naturmangfaldlova § 4 eller forvaltningsmålet for artar i naturmangfaldlova § 5.

#### *Naturmangfaldlova § 10*

Etter naturmangfaldlova § 10 skal den samla belastinga på økosystem og naturmangfaldet i regionen vurderast. Uttalet er omkransa at skog, sjø og busetnad. DMF vurderer at arealbeslaget i stor grad allereie er gjort i forbindelse med tidlegare anleggsaktivitet. Steinbrotet førar til anleggsaktivitet så lenge uttalet går på. Veger og busetnad vurderast å bidra til den samlande belastninga.

#### *Konsekvensar av tiltaket for kulturminner*

DMF har ved søk i naturbase ikkje gjort funn av freda kulturminna i konsesjonsområdet. DMF minner likevel om den generelle varslingsplikta etter kulturminnelova § 8.



### Forureining

Massetaket kan føre til partikkelflukt til luft, med potensiale for påverknad av luftmiljø. Forureining i form av støv og støy reguleres av forureiningsforskrifta kapittel 30. DMF minna om meldeplikta til forureiningsmyndigheita ved oppstart eller endringar/utvidingar av verksemda.

### DMF sin konklusjon

DMF har kome til at det ikkje finst avgjerande moment som talar mot å innvilge konsesjon.

### **5.8 Tilhøvet til omgjevnadene og nærliggjande område under drift**

Mineralressursane skal forvaltast og brukast på ein måte som tek omsyn til omgjevnadene og dei nærliggjande områda under drift. Det er difor viktig at drivaren gjennomfører nødvendige sikringstiltak for å unngå skadar på eigedom, menneske og dyr. Det går fram av driftsplanen at steinbrotet skal vere sikra med skilt, bom og gjerde i naudsynt grad for å hindre ukontrollert tilkomst av dyr og menneske. Der deter naudsynt med pigging, rensk eller sikring av laust fjell, vil dette verte gjort i samsvar med rutine.

DMF har kome til at tilhøvet til omgjevnadene og nærliggjande område under drift ikkje er avgjerande moment som talar mot å innvilge konsesjon.

### **5.9 Kva tiltaket får å seie for verdiskaping og næringsutvikling**

Førekomsten det er søkt om driftskonsesjon for fell inn under råstoffgrupperinga: sand, grus, pukk og leire (byggjeraoststoff). Råstoffet blir brukt i produkt som det moderne samfunnet er heilt avhengig av og som blir brukte i bygg, vegar og anlegg. Det går fram av søknaden av førekomsten, som består av gneis, hovudsakleg vil nyttast til produkt innafor bygg- og anlegg og vegprosjekter.

### **5.10 Langsiktig planlegging for etterbruk eller tilbakeføring av området**

Det går fram av driftsplanen at etter enda drift skal areala dels vere ført tilbake til jord- og skogbruksføremål, vidare dels vere planert og klargjort for industri/lager. Ved nedre platå ved sjøen skal det gjerast klart for oppføring av hytter. Bygningar, utstyr og installasjoner i tilknyting til drift av steinbrotet skal vidare fjernast etter avslutta drift.

Arealet på fjellpallane skal vere tilplanta med tre og busker av same type som er naturleg for området. Naudsynt gjødsling skal utførast dei 3 til 4 første åra. Etter DMF si vurdering er dei planane som finst for etterbruk eller tilbakeføring tilfredsstillande, og såleis ikkje noko avgjerande moment som talar mot å gje konsesjon.

### **5.11 Økonomisk sikkerheit**

I søknaden om driftskonsesjon har Tiltakshavaren, i samsvar med forskrift til minerallova § 2-1, gjort framlegg til korleis sikkerheit kan stillast. DMF fastset dei endelege krava til sikkerheit.

Søkjær foreslår å setje av eit grunnbeløp maksimalt til kr 200 000. Vidare foreslås ein årleg fondsavsetning til kr 26 112 over 18, som blir eit totalbeløp på kr 470 016. Dette beløpet tilsvara estimerte kostnad i oppsettet for direkte og indirekte avsluttingskostnadar.



### **5.11.1. Pålegg om å stille økonomisk sikkerhet og vurdering av kor stor sikkerheten skal vere**

Etter DMF si vurdering er Tiltakshavaren sitt framlegg til kor stor sikkerheten skal vere ikke tilfredsstillende. Etter forskrift til minerallova § 2-1 tredje ledd skal den økonomiske sikkerheten vere tilstrekkeleg til å dekkje Tiltakshavaren si sikrings- og oppryddingsplikt.

Forslaget er godt under DMF sine erfaringstall for tilsvarende uttak. Det er ikke tatt tilstrekkeleg høgde for massehandtering og arrondering, sikringstiltak, beplanting/tilsåing og fjerning av avfall og skrot. Vidare er det ikke tatt tilstrekkeleg høgde for indirekte kostnadar, slik som konsulenttenester og upårekna kostnadar.

Etter ei konkret vurdering av tiltaket finn DMF at Tiltakshavaren skal påleggjast å stille finansiell sikkerheit på NOK 900 000 for å sikre at naudsynte sikrings- og oppryddingstiltak blir gjennomførte etter minerallova §§ 49 og 50, jf. minerallova § 51. I vurderinga av kor stor sikkerheit som skal krevjast har DMF lagt vekt på kor komplekst uttaket er, massetype, potensiell forureiningsfare, underjords- eller dagbrottsdrift, plassering og lokale tilhøve. DMF har også lagt vekt på sine eigne erfaringstal for tilsvarende uttak, med tillegg for eksterne og uventa kostnader.

### **5.11.2. Form for sikkerheit**

Det skal stillast sikkerheit i ei slik form at den ikke vil gå inn i konkursbuet i tilfelle konkurs hos Tiltakshavaren, jf. forskrift til minerallova § 2-1 tredje ledd.

Etter DMF si vurdering vil det vere føremålstenleg at den økonomiske sikkerheten blir stilt ved bankgaranti og individuell fondsavsetjing til ein bankkonto som det etter ein eigen avtale om finansiell sikkerheit skal etablerast pant i til fordel for DMF, jf. pantelova §§ 4-4 til 4-6. Tiltakshavaren skal ikke ha råderett over denne bankkontoen, som skal vere sperra til fordel for DMF.

#### **Bankgaranti – oppstartsfasen**

DMF vurderer det som naudsynt at Tiltakshavaren, innan 2 månader etter datoén då konsesjonsvedtaket blei gjort, stiller ein bankgaranti som DMF vurderer som tilfredsstillande som påkravsgaranti for eit beløp på NOK 300 000. Dette er naudsynt for å ha tilstrekkeleg sikkerheit i oppstartfasen før fondet har nådd maksimal avsetjing. Storleiken på bankgarantien er fastsett på grunnlag av ei vurdering av kva som blir rekna for å vere tilstrekkeleg sikkerheit i denne fasen.

DMF kan fremje krav i høve til bankgarantien i desse tilfellene:

- (i) Etter utløpet av Tiltakshavaren sin frist for å utføre naudsynte sikrings- og oppryddingstiltak som DMF godtek;
- (ii) Ved konkurs, opphør eller anna avvikling av Tiltakshavaren si verksemد; og
- (iii) Dersom konsesjonen blir trekt attende.

Ved melding til garantisten om at eitt av tilfella nemnde i punkt (i)–(iii) over har oppstått, skal DMF ha rett til å få utbetalt det kravet som blir gjort gjeldande etter bankgarantien, utan omsyn til motsegner frå Tiltakshavaren. Bankgarantien skal stå ved lag så lenge beløpet som står på bankkontoen ikke har nådd NOK 300 000. Når



beløpet på bankkontoen har nådd NOK 300 000, ellertidlegare etterskriftleg samtykkje frå DMF, fell plikta til bankgaranti bort.

#### *Individuell avsetjing, avsetjingsperiode og storleiken på avsetjinga*

Deretter skal Tiltakshavaren setje inn midlar på bankkontoen årleg fram til totalbeløpet på NOK 900 000 er nådd. Dei årlege innskota blir rekna ut etterskotsvis på grunnlag av masseuttaket året før. Det skal betalast inn NOK 1,60 årleg per tonn utteken masse.

Ved fastsetjinga av satsen per tonn utteken masse har DMF lagt til grunn at fondet skal byggjast opp over ein periode på ca. 20 år, det vil seie ca. NOK 45 000 per år. I søknaden er det rekna med eit uttak på 28 000 tonn/år, noko som gjev ei årleg avsetjing på NOK 1,60 per tonn.

Innbetalinga for masseuttaket må vere avsett innan 1. februar året etter.

#### **5.11.3. Rapportering og dokumentasjon**

Beløpet som står på kontoen skal dokumenterast årleg ved å gje DMF tilgjenge til ei oppdatert kontoutskrift. All avkasting på midlane skal godskrivast kontoen.

I tillegg finn DMF det naudsynt at Tiltakshavaren undervegs i drifta vurderer om den sikkerheita som er stilt er tilstrekkeleg til å dekkje kostnadene til sikrings- og oppryddingstiltak og gjev DMF tilbakemeldingar om dette. Dersom den fastsette driftsperioden for uttaket blir endra eller det skjer andre vesentlege endringar i driftsplanen, skal DMF informerast umiddelbart. Elles skal tiltakshavaren kvart femte år gjere ei ny vurdering av om sikkerheita er tilstrekkeleg. Når vurderinga er gjord, skal tiltakshavaren utarbeide ein rapport og sende den til DMF utan grunnlaust opphold.

DMF kan òg ha behov for meir rapportering og dokumentering enn det som er skildra over, og finn det difor naudsynt å påleggje Tiltakshavaren plikter i så måte i konsesjonsvilkåra.

#### **5.11.4. Justering av sikkerheita**

Etter forskrift til minerallova § 2-2 første ledd andre punktum kan DMF gjere vedtak om endring av storleiken på avsetjinga, inkludert dei årlege innbetalingane frå Tiltakshavaren, og tidspunktet for innbetaling. Slike endringar kan òg gjerast når som helst ved endringar i minerallova og andre relevante lover, forskrifter og vedtak.

### **6. Kor lenge driftskonsesjonen gjeld**

Driftskonsesjonen kan reviderast etter 10 år.

Driftskonsesjonen fell bort dersom drift ikkje er starta opp seinast fem år etter at konsesjonen er gitt. Det same gjeld dersom drifta blir innstilt i meir enn eitt år. Det kan søkjast til DMF om å forlengje desse fristane. Driftskonsesjonen fell òg bort dersom:

- utvinningsretten for statens mineral blir sletta
- avtalen om rett til å utnytte førekomst av grunneigars mineral går ut
- skjønn ikkje er kravd innan eitt år etter at ekspropriasjonsløyve er gitt etter minerallova § 37 andre ledd bokstav a



Driftskonsesjonen kan ikke overdragast. Det gjeld også ved overdraging av utvinningsretten.

## 7. Plikter for tiltakshavaren

Tiltakshavaren har rettar og plikter som følgjer av minerallova med forskrifter.

### Meldeplikt ved oppstart og stans av drift

Seinast éi vike før oppstart av drifta skal tiltakshavaren sende melding til DMF. Tiltakshavaren skal også sende melding til DMF før drifta mellombels blir stansa eller lagd ned i medhald av minerallova § 44.

### Drifta skal utførast med varsemd

Drifta skal utførast med varsemd, slik at skadane ikke blir større enn nødvendig. Etter minerallova § 48 skal arbeida heller ikke føre til unødig forureining eller skade på miljøet.

### Forsvarleg sikring og opprydding

Området skal sikrast slik at arbeidet ikke medfører fare for menneske, husdyr eller tamrein. Etter minerallova § 49 omfattar sikringsplikta også gruveopningar, tippar og utlagde massar på område som er knytte til konsesjonsområdet.

Etter minerallova § 50 skal området vere forsvarleg rydda mens arbeida går for seg. Etter minerallova §§ 49 og 50 skal området vere forsvarleg rydda og varig sikra etter at arbeida er avslutta. DMF kan fastsetje ein frist for når oppryddinga skal vere avslutta.

### Ansvaret til bergteknisk ansvarleg

Bergteknisk ansvarleg har eit særskilt ansvar for å sjå til:

- at drifta er teknisk forsvarleg og tek omsyn til arbeidstakrar, nærliggjande bygningar og omgivnadene elles
- at førekosten blir avbygd på ein berekraftig måte
- at drifta til kvar tid er i samsvar med ein ajourført og godkjend driftsplan

### Rapportering

Tiltakshavaren skal sende årleg driftsrapport til DMF via «Min side» på [dirmin.no](http://dirmin.no).

Når uttak av grunneigars mineral blir lagt ned, kan DMF stille krav om å sende inn sluttrapport, måledata og prøvemateriale. Dette gjeld dersom uttaket har mineraliseringar av vesentleg geologisk interesse.

## 8. Rett til å klage

Partane i saka og andre med rettsleg klageinteresse kan klage på vedtaket i samsvar med reglane i forvaltingslova kapittel VI.

Fristen for å klage er tre veker etter at de har fått dette brevet. Klagen skal sendast til DMF for ny vurdering. Dersom DMF ikke finn grunn til å gjøre om vedtaket, sender vi klagen til Nærings- og fiskeridepartementet, som gjer endeleg vedtak i saka. I klagen



må de gjere greie for kva de klagar på, og kvifor, og de må foreslå endringar. Etter forvaltingslova § 18 og 19 har partane i saka rett til å sjå saksdokumenta.

Med helsing

Maria Lauritzen  
seniorrådgjevar

Maria Teresa Martinez  
rådgjevar

*Dokumentet er elektronisk signert og har difor ikkje handskrivne signaturar.  
Sakshandsamar: Maria Teresa Martinez*



Vedlegg:

KONSESJONSOMRÅDE FOR FLATNESET STEINBROT I ØRSTA KOMMUNE.pdf

AVTALE OM FINANSIELL SIKKERHETSSTILLELSE.docx

PÅKRAVSGARANTI.docx

PANTSETTELSESERKLÆRING FOR ENKLE PENGEKRAV.docx

GODKJENT DRIFTSPLAN FOR FLATNESET STEINBROT I ØRSTA KOMMUNE.pdf

Mottakarar:

Flatnes Maskin AS Flatnes 6165 SÆBØ

Kopi til:

Ørsta kommune Dalevegen 6 6150 ØRSTA

Møre og Romsdal Postboks 2500 6404 MOLDE  
fylkeskommune

Fylkesmannen i Møre og Postboks 2520 6404 MOLDE  
Romsdal

Statens vegvesen Region midt Fylkeshuset 6404 MOLDE

Norges vassdrags- og Abels gate 9 7030 TRONDHEIM  
energidirektoratet Region

Midt-Norge

Rune Thomas Sæbønes Sæbønesvegen 90 6165 SÆBØ

Jarle Knut Walseth Høgeskjerva 41 6165 SÆBØ

Inger Olaug Øye Walseth Høgeskjerva 41 6165 SÆBØ

Lars Johan Sæbønes Sæbønesvegen 102 6165 SÆBØ

Jonny Arne Flatnes Flatnesvegen 67 6165 SÆBØ

Anne Elin Brautaset Øvrestien 1 6154 ØRSTA

Per Olav Brautaset Øvrestien 1 6154 ØRSTA

Ragnhild Myklebust Øvrevegen 6 6102 VOLDA

Torill Eli Strand Flatnesvegen 63 6165 SÆBØ

Jeanette A. Urkegjerde Flatnesvegen 53 6165 SÆBØ

Kjetil Aksnes Urkegjerde Flatnesvegen 53 6165 SÆBØ

Nils Jarle Aklestad Flatnesvegen 56 6165 SÆBØ

Vidar Stokke Høgeskjerva 11 6165 SÆBØ

Ingvild Flatebø Vivåslia 13 5709 VOSS

Ole Birger Flatnes Høgeskjerva 18 6165 SÆBØ

Øystein Bjarte Mo Høgeskjerva 22 6165 SÆBØ

Kolbrun D. Gunnarsdottir Høgeskjerva 22 6165 SÆBØ

Per Ove Flatnes Høgeskjerva 24 6165 SÆBØ

Arne Johan Flatnes Høgeskjerva 24 6165 SÆBØ

Anne Pauline Lys hagen Høgeskjerva 3 6165 SÆBØ

Lars Petter Strandmann Høgeskjerva 36 6165 SÆBØ

Unni Strandmann Høgeskjerva 36 6165 SÆBØ

Arn l jot Frøland Høgeskjerva 40 6165 SÆBØ

Karin Olaug Frøland Høgeskjerva 40 6165 SÆBØ

Joste in Koppen Høgeskjerva 43 6165 SÆBØ

Reidun Gjerløw Holen Høgeskjerva 7 6165 SÆBØ

Gunnar Lys hagen Høgeskjerva 3 6165 SÆBØ